

Guovdageainnu suohkan / Kautokeino kommune
ČOAHKKINPROTOKOLLA
Suohkanstivra

Čoahkkinnbáiki: LES-bygget	Čoahkkindáhton: 21.03.13	Áigi: kl. 09:00 – 16:30
-----------------------------------	---------------------------------	--------------------------------

Suohkanstivrra láhtut válgaáigodaga 2011 – 2015:

SáB: Klemet Erland Hætta Aili Keskitalo Mikkel Ailo Logje Susanne Vars Buljo - viiban Johan Anders N. Somby BB: Nils Johan A. Gaup – viiban Inger Marit Bongo	JL: Anders S. Buljo Berit Marie P. E. Eira Hans Ole N. Eira Anna Kristine S. Bongo – viiban Berit Anne A. Oskal Kemi G: Anton Dahl Ann-Catharina A. Lango	GDL: Hans Isak Olsen Isak Mathis O. Hætta Ellen Anete Hætta O: Mikkel Isak J. Eira Ellen Inga O. Hætta - viiban
---	--	--

Viiban:

Láhtut: Susanne Vars Buljo (SáB) Nils Johan Gaup (BB) Anna Kristine Sokki Bongo (JL) Ellen Inga O. Hætta (OB) Mikkel Isak J. Eira (OB)	várrelahtut: Ole Magnus Triumf (SáB) Bjørn Arvid Hætta (BB) Anders M. Lango (JL) Nils H. Henriksen (OB) Isak Henrik N. Eira (OB)
--	--

Earát geat ledje čoahkkimis:

Ráđdeolmmái: Mikkel Ailo Gaup Čalli: Berit S. Bals VEFIK IKS: li oktage	Dulka: Kirsten Ellen Marie Hætta. Dulka: Mikkel Magnus Utsi
--	--

Meannuduvvon ássit: 01/13 – 06/13 + 07/13.

VUOLLÁIČÁLLOSAT:

Min vuolláičállosiid bokte mii dáhkidit ahte čoahkkingirji lea seamma go dat mii mearriduvvui čoahkkimis.

Klemet Erland Hætta (SáB)

Isak Mathis O. Hætta (GDL)

Nils H. Henriksen (OB)

Kopiija čoahkkingirjii sáddejuvvo:

Suohkanstivrii, ráđdeolbmái, dárkkistanlávdegoddái, vuorasiidráđđái, KRFF, VEFIK IKS, KUSEK IKS, mediai.

Guovdageainnu suohkan / Kautokeino kommune

ČOAHKKINPROTOKOLLA

Lávdegoddi
Suohkanstivra

Čoahkkindáhton
21.03.13

Suohkansivra doalai čoahkkima 21.03 2013 LES-viesus. Čoahkkin lei čálalaččat sáddejuvvon oktan kopijain 1. várreláhtuide. Čoahkkin lei almmuhuvvon Altapostenii ja Ávvirii ja diehtun seaidnái servicetorgas Guovdageainnus ja Mázes.

Nammačuorvun:

Sátnejodiheddji čuorvvui namaid.

Gohččuma dohkkeheapmi:

Gohččun dohkkehuvvui ovttajienalaččat. Čoahkkin álggahuvvui lobálaččat.

Dohkkehit áššelistu:

Áššelistu oktan liigeáššelistuin dohkkehuvvui ovtta jiena vuostá.

Ášši 06/13 Bušeahttamudden – válđo eret.

ášši 07/13 meannuduvvo manjel ášši 02/13.

Válljet protokolla vuolláičállit:

Isak Mathis O. Hætta (GDL) ja Nils H. Henriksen (OB) válljejuvvuiga ovttas sátnejodiheddjiin protokolla vuolláičállit.

Fágareivve juohkin dii. 11.00:

Kristina Anti	Fágabargi dearvvašvuodasuorggis
Berit Marit Nilsdatter Logje	Buhtisdoallanfága
Inga Marit Persdtr. Bals	Boazodoallanfága
Per John Bongo	Boazodoallanfága
Marit Inger Helene Andersdatter Buljo	Boazodoallanfága
Ante Johan Buljo	Boazodoallanfága
Anders Nils Persen Eira	Boazodoallanfága
Sara Máret Ravdna Andersdatter Oskal	Boazodoallanfága
Morten Ailu Aslaksen Skum	Boazodoallanfága
Jovsset Ante Iversen Sara	Boazodoallanfága
Per Jonas Sara	Boazodoallanfága
Máret Inger Johansdatter Gaup	Boazodoallanfága

Sii maid bovdejuvvojit suohkanstivrra mielde lunšša borrát Diehtosiidda kantiinnas.

Praktihkalaš diehtu :

Suohkanstivra borai lunšša Diehtosiidda kantiinas dii. 11.30.

Diehtu ráđdeolbmás:

Ráđdeolmmái mitalií suohkana rievddanproseassa/bušeahta birra.

Virgelobit:

Isak Henrik N. Eira lei Mikkel Isak J. Eira várreláhttu áššis 02/13. Isak Henrik N. Eira ii lean mielde gieđahallame ášši 01/13.

Anton Dahl (G) oaččui virgelobi dii. 10:50 rájes go ášši 07/13 gieđahallojuvvui.

Magnar Evertsen (G) lei várreláhttu lunšša rádjai dii. 11:30 .

Anton Dahl bođii ruovttoluotta maŋnel lunša dii. 12:30. Son lei mielde ášši 12:30 gieđahallamis

Johan Anders Somby (SáB) oaččui virgelobi maŋnel lunša dii. 12:30. Son ii lean mielde gieđahallame ášši 07/13 ja 03/13 – 05/13. Su sadjái ii boahtán oktage várreláhttu.

Anders S. Buljo (JL) oaččui virgelobi dii. 15:30 rájes. Son ii lean mielde gieđahallame ášši 03/13 – 05/13. Su sadjái ii boahtán oktage várreláhttu.

ÁŠŠELISTU

Áššenr:	Sisdoallu:
PS 1/13	Suohkana divadat 2013.
PS 2/13	Regulerenplána Gártnetluohkká IV ja V.
PS 3/13	Opšuvdnašiehtadus/oastinšiehtadus suohkanlaš opmodagaid ektui gnr./bnr. 3/195, 3/89, 3/174 ja 3/198 Loankodievás Guovdageainnu suohkanis.
PS 4/13	Váidda – suohkanstivrra mearrádus áššis 75/12 – skuvlasadji ja skuvlasáhttu Láhpoluoppal skuvlla ovddeš oahppi ovddas.
PS 5/13	Skuvlasadji ja skuvlasáhttu Láhpoluoppal skuvlla ovddeš oahppi ovddas.
PS 6/13	Bušeahttamudden 2013. VÁLDO ERET.
PS 7/13	Boazologuunnideapmi Oarje-Finnmárkku guohtuneatnamiin.

Mearrádusevttohus:

Suohkanstivra rievdata máksomeari 4c divatgiipas ”Kommunale avgifter og gebyrer for 2013” 01.05.2013 rájes, ja ođđa čuoggás 4c galgá čuožžut:

4. c. durdečáhce-, olgohivssegiid ja buđdosuvvon tánkkaid gurren 4 kbm rádjai

Ru/jahkái ru. 2 392,35

Ru/juohke nuppi jagi ru. 1 795,23

Suohkanstivra mearrida ođđa máksomeari:

11. f. 1. Kárta ja opmodatobbagovva

Beaiváduvvon ja signerejuvvon A4 dahje A3 kártabihtta allodatvuoduin bissovaš kártastandárda mielde prošekteremii ja ohcamii, ja plána- ja huksenlága huksendoaimma dieđiheami mielde.

Miellddusin čuovvu: ránnjálu, fárgačálus gustovaš regulerenplána njuolggadusaiguin.

Máksomearri ru. 550,00

11. f. 2. Digitála kártadata

Vuodđokárta SOSI dahje DXF hámis heivehuvvon ja lágiduvvon diskeahtas, CD:s dahje E-boastta bokte: merrojuvvo GEOVEKST haddekalkuláhtora mielde 33% haddelasihemiin. (Unnimus haddi ru. 995,-)

Ovdagotti evttohus, ovttaijen.:

Suohkanstivra rievdata máksomeari 4c divatgiipas ”Kommunale avgifter og gebyrer for 2013” 01.05.2013 rájes, ja ođđa čuoggás 4c galgá čuožžut:

4. c. durdečáhce-, olgohivssegiid ja buđdosuvvon tánkkaid gurren 4 kbm rádjai

Ru/jahkái ru. 2 392,35

Ru/juohke nuppi jagi ru. 1 795,23

Suohkanstivra mearrida ođđa máksomeari:

11. f. 1. Kárta ja opmodatobbagovva

Beaiváduvvon ja signerejuvvon A4 dahje A3 kártabihtta allodatvuoduin bissovaš kártastandárda mielde prošekteremii ja ohcamii, ja plána- ja huksenlága huksendoaimma dieđiheami mielde.

Miellddusin čuovvu: ránnjálu, fárgačálus gustovaš regulerenplána njuolggadusaiguin.

Máksomearri ru. 550,00

11. f. 2. Digitála kártadata

Vuodđokárta SOSI dahje DXF hámis heivehuvvon ja lágiduvvon diskeahtas, CD:s dahje epostta bokte: merrojuvvo GEOVEKST haddekalkuláhtora mielde 33% haddelasihemiin. (Unnimus haddi ru. 995,-)

Lassi, ođđa čuokkis 11 e 2.

Sierralohpi

Lassi, ođđa čuo. 11 e 2.

Sierra vuodjinlobi ohcamiid meannudeapmái plána – ja huksenlága vuodul mearriduvvo 5000 kr divat.

Suohkanstivrra giedahallan:

Nils H. Henriksen (O) evttohus:

Čuo. 4 c. Kloáhkkgurren divat bissu dálá dásis.

Sátnejodiheadji Klemet Erland Hætta (SáB) evttohus:

Rievdadus čuo. 11 f. d. Digitála kártadata.

Čuovvovaš sihkkko eret diskehtas, CDas dahje E-boasttas ja biddjo digitálalaččat.

Jienasteapmi:

Nils H. Henriksen (O) gopmánii 6 jiena vuostta.

Sátnejodiheadji Klemet Erland Hætta (SáB) evttohus mearriduvvui ovttajienalaččat.

Sátnejodiheadji ovddidii ovdagotti evttohusa mearriduvvon rievdadusaiguin mearriduvvot. Ovdagotti evttohus mearriduvvon rievdadusaiguin mearriduvvui ovttajienalaččat.

Suohkanstivrra mearrádus, ovttajien.:

Suohkanstivra rievdata máksomeari 4c divatgiipas ”Kommunale avgifter og gebyrer for 2013” 01.05.2013 rájes, ja ođđa čuoggás 4c galgá čuožžut:

4. c. durdečáhce-, olgohivssegiid ja buđdosuvvon tánkkaid gurren 4 kbm rádjai

Ru/jahkái ru. 2 392,35

Ru/juohke nuppi jagi ru. 1 795,23

Suohkanstivra mearrida ođđa máksomeari:

11. f. 1. Kárta ja opmodatobbagovva

Beaiváduvvon ja signerejuvvon A4 dahje A3 kártabihtta allodatvuoduin bissovaš kártastándárda mielde prošekteremii ja ohcamii, ja plána- ja huksenlága huksendoaimma diediheami mielde.

Miellodusin čuovvu: ránnjálu, fárgačálus gustovaš regulerenplána njuolggadusaiguin.

Máksomearri ru. 550,00

11. f. 2. Digitála kártadata

Vuoddokárta SOSI dahje DXF hámis heivehuvvon ja lágiduvvon diskehtas, CD:s dahje E-boastta bokte: merrojuvvo GEOVEKST haddekalkuláhtora mielde 33% haddelasihemiin. (Unnimus haddi ru. 995,-)

Lassi, ođđa čuokkis 11 e 2.

Sierra vuodjinlobi ohcamiid meannudeapmái plána – ja huksenlága vuodul mearriduvvo 5000 kr divat.

REGULERINGSPLÁNA GÁRTNETLUOHKKÁ IV JA V**Mearrádusevttohus:**

Suohkanstivra mearrida detálgaregulerema regulerenmearrádusaiguin Gártnetluohkká IN/V, beaiváduvvon 18.10.2012 plána- ja huksenlága § 12-12 mielde.

Ovdagotti mearrádusevttohus, ovttajien.:

Suohkanstivra mearrida detálgaregulerema regulerenmearrádusaiguin Gártnetluohkká IN/V, beaiváduvvon 18.10.2012 plána- ja huksenlága § 12-12 mielde.

Suohkanstivrra giedahallan:

Anton Dahl evttohus(G):

Areálaulbmil, čuo. a) čuokkis 2.
Boazodoalloorohagat sihkkovuvvojit eret.

Jienasteapmi:

Anton Dahl evttohus (G) gopmánii 7 vuostá.

Sátnejodiheaddji ovddidii ovdagotti mearrádusevttohusa. Ovdagotti mearrádusevttohus mearriduvvui ovttajienalaččat.

Suohkanstivrra mearrádus, ovttajien.:

Suohkanstivra mearrida detálgaregulerema regulerenmearrádusaiguin Gártnetluohkká IN/V, beaiváduvvon 18.10.2012 plána- ja huksenlága § 12-12 mielde.

**VUOSTTAŠVUOIGAVUOĐAŠIEHTADUS/OASTINŠIEHTADUS
SUOHKANOPMODAHKII GNR./BNR. 3/195, 3/89, 3/174 JA 3/198 LOANKODIEVÁS
GUOVDAGEAINNU SUOHKANIS****Mearrádusevttohus:**

Guovdageainnu suohkana suohkanstivra dohkkeha vuosttašvuoigatvuođašiehtadusa/oastinšiehtadusa Stáhtain Statsbygg bokte, vuovdit Allaskuvlatomtta evttohuvvon haddái. Vuosttašvuoigatvuođašiehtadus/oastinšiehtadus doaibmagoahtá dan beaivvi go goappašat bealit leat vuolláičállán vuovdindokumeantta. Guovdageainnu suohkan ferte 07.01.2019 beaivái čálalaččat oažžut dieđu Stáhtas Statsbygg bokte leatgo geavaheamen rievtti oastit Allaskuvlatomtta. Dás gč. suohkanlága § 6.

Ovdagotti evttohus, ovttajien.:

Guovdageainnu suohkana suohkanstivra dohkkeha vuosttašvuoigatvuođašiehtadusa/oastinšiehtadusa Stáhtain Statsbygg bokte, vuovdit Allaskuvlatomtta evttohuvvon haddái.

Vuosttašvuoigatvuođašiehtadus/oastinšiehtadus doaibmagoahtá dan beaivvi go goappašat bealit leat vuolláičállán vuovdindokumeantta. Guovdageainnu suohkan ferte 07.01.2019 beaivái čálalaččat oažžut dieđu Stáhtas Statsbygg bokte leatgo geavaheamen rievtti oastit Allaskuvlatomtta. Dás gč. suohkanlága § 6

Suohkanstivrra giedahallan:

Anton Dahl (G) celkojuvvui bealálažžan go čohkka Sámi Joatkkaskuvllaid stivrras.

Sátnejođiheaddji ovddidii ovdagotti evttohusa mearriduvvot. Ovdagotti evttohus mearriduvvui ovttaijenalaččat.

Suohkanstivrra mearrádus, ovttaijen.:

Guovdageainnu suohkana suohkanstivra dohkkeha vuosttašvuoigatvuođašiehtadusa/oastinšiehtadusa Stáhtain Statsbygg bokte, vuovdit Allaskuvlatomtta evttohuvvon haddái. Vuosttašvuoigatvuođašiehtadus/oastinšiehtadus doaibmagoahtá dan beaivvi go goappašat bealit leat vuolláičállán vuovdindokumeantta. Guovdageainnu suohkan ferte 07.01.2019 beaivái čálalaččat oažžut dieđu Stáhtas Statsbygg bokte leatgo geavaheamen rievtti oastit Allaskuvlatomtta. Dás gč. suohkanlága § 6

PS 4/13

Ephorteášsenr. 2012/784. Árkíiva: N06.

VÁIDDA – SUOHKASTIVRRA MEARRÁDUS ÁŠŠIS 75/12 - SKUVLASADJI JA SKUVLASÁHTTU LÁHPOLUOPPAL SKUVLLA OVDDEŠ OAHPPI OVDDAS.

Mearrádusevttohus:

Suohkanstivra ii váldde vuhtii Máret Nilsdatter Buljo ja John Ante J. Hætta váidalusa. Eai boađe ovdan ođđa dieđut váidalusas maid suohkanstivra ii leat diehtán ášši vuosttaš geardde meannudeames. Suohkanstivra doalaha mearrádusa 75/12 áššis, dás geahča Oahpahuslága § 8-1.

Ákkastallan:

Suohkanstivra lea čielggadan Máze skuvlla lagasskuvlan Láhpoluoppal skuvlla ovddeš ohppiide. Lea eanemus heivvolaš dáidda ohppiide joatkkit skuvlaoahpu Máze skuvllas. Lea maiddá geográfalaččat lagat Máze skuvllii go Guovdageainnu mánáid- ja nuoraidskuvllii.

Ovdagotti evttohus, ovttaijen.:

Suohkanstivra ii váldde vuhtii Máret Nilsdatter Buljo ja John Ante J. Hætta váidalusa. Eai boađe ovdan ođđa dieđut váidalusas maid suohkanstivra ii leat diehtán ášši vuosttaš geardde meannudeames. Suohkanstivra doalaha mearrádusa 75/12 áššis, dás geahča Oahpahuslága § 8-1.

Ákkastallan:

Suohkanstivra lea čielggadan Máze skuvlla lagasskuvlan Láhpoluoppal skuvlla ovddeš ohppiide. Lea eanemus heivvolaš dáidda ohppiide joatkkit skuvlaoahpu Máze skuvllas. Lea maiddá geográfalaččat lagat Máze skuvllii go Guovdageainnu mánáid- ja nuoraidskuvllii.

Suohkanstivrra giedahallan:

Mikkel Ailo Logje (SáB) celkojuvvui bealálažžan áššis , vrd. Hálddašanlaga. § 6, nuppi teakstabihtá.

Johan Anders Sombys (SáB) lei virgelohpi ja ii lean mielde giedahallamis.

Anders S. Buljos (JL)) lei virgelohpi ja ii lean mielde giedahallamis.

Inger Marit Bongo (BB) evttohus:

Suohkanstivra váldá vuhtii Máret Nilsdtr. Buljo ja John Ante J. Hætta váidalusa.

Sátnejodiheadji ovddidii ovdagotti evttohusa mearriduvvot.

Jienasteamis biddjui Inger Marit Bongo evttohus vuostálaga ovdagotti evttohusain. Inger Marit Bongo evttohus oaččui 7 jiena ja ovdagotti evttohus oaččui 9 jiena.

Go ášši ledje jienastan ja suohkanstivra lei giedahallame ášši 05/13, ovddidii sátnejodiheadji čuovvovaš evttohusa:

Ášši 04/13 rahppo fas giedahallamii.

Sátnejodiheadji evttohus mearriduvvui 1 jiena vuostá. Ášši 04/13 rahppui fas giedahallamii.

Sátnejodiheadji Klemet Erland Hætta evttohus (SáB):

Suohkanstivra váldá vuhtii muhtun muddui Máret Nilsdtr. Buljo ja John Ante J. Hætta váidalusa. Vuodđoskuvlaoahppi álgá Máze skuvlii čakčat 2013.

Inger Marit Bongo evttohus (BB):

Suohkanstivra váldá vuhtii Máret Nilsdtr. Buljo ja John Ante J. Hætta váidalusa.

Jienasteapmi:

Álggos jienastuvvui Inger Marit Bongo evttohus. Inger Marit Bongo evttohus gopmánii 12 jienain 4 jiena vuostá.

Sátnejodiheadji evttohus biddjui vuostálaga ovdagotti evttohusain. Sátnejodiheadji evttohus mearriduvvui 1 jiena vuostá.

Suohkanstivrra mearrádus, 15 jiena 1 jiena vuostá:

Suohkanstivra váldá vuhtii muhtun muddui Máret Nilsdtr. Buljo ja John Ante J. Hætta váidalusa. Vuodđoskuvlaoahppi álgá Máze skuvlii čakčat 2013.

SKUVLASADJI JA SKUVLASÁHTTU LÁHPOLUOPPAL SKUVLLA OVDDEŠ OAHPPÁI.**Mearrádusevttohus:**

Vuodđoskuvlaoahppái Nils Joavvna J.A. Hætta Láhpoluobbalis lea Máze skuvla su lagasskuvla, dás gč. Oahpahuslága §8-1. Vuodđoskuvlaoahppi álgá Máze skuvlii maŋŋil beassážiid, cuoŋománu 3. beaivvi 2013

Ákkastallan:

Láhpoluoppal skuvlla ovddeš ohppiide lea Máze skuvla leamaš sin lagaskuvla, ja lea lunddolaš ja eanemus govttolaš ohppiide joatkkit sin skuvlavázzima dán skuvllas. Geográfalaččat lea Máze skuvla máná lagasskuvla.

Ovdagotti evttohus, ovttajien.:

Vuodđoskuvlaoahppái Nils Joavvna J.A. Hætta Láhpoluobbalis lea Máze skuvla su lagasskuvla, dás gč. Oahpahuslága §8-1. Vuodđoskuvlaoahppi álgá Máze skuvlii maŋŋil beassážiid, cuoŋománu 3. beaivvi 2013.

Ákkastallan:

Láhpoluoppal skuvlla ovddeš ohppiide lea Máze skuvla leamaš sin lagaskuvla, ja lea lunddolaš ja eanemus govttolaš ohppiide joatkkit sin skuvlavázzima dán skuvllas. Geográfalaččat lea Máze skuvla máná lagasskuvla.

Suohkanstivrra giedahallan:

Mikkel Ailo Logje (SáB) celkojuvvui bealálazžan áššis vrd. Hálddašanlága. § 6, nuppi teakstabihtá.

Johan Anders Sombys (SáB) lei virgelohpi ja ii lean mielde giedahallamis.

Anders S. Buljos (JL) lei virgelohpi ja ii lean mielde giedahallamis.

Inger Marit Bongo (BB) evttohus:

Vuodđoskuvllaoahppái Nils Joavvna J. A. Hætta Láhpoluobbalis, mearriduvvo Guovdageainnu skuvla lagasskuvlan, dán vrd. Oahpahuslága § 81.

Ellen Anete Hætta (GDL) evttohus:

Vuodđoskuvlaoahppi álgá Máze skuvlii maŋŋil beassážiid cuoŋománu 3. beaivvi 2013 sihkkoret.

Sadjái boahtá: Vuodđoskuvlaoahppi álgá Máze skuvlii skuvlajagi 2013/2014 rájes.

Jienasteapmi:

Álggos jienastuvvui Inger Marit Bongo evttohus. Inger Marit Bongo evttohus gopmánii 10 jienain 6 jiena vuostá.

Dasto biddjui Ellen Anete Hætta evttohus vuostálaga ovdagotti evttohusain. Ellen Anete Hætta evttohus mearriduvvui ovttajienalaččat.

Suohkanstivrra mearrádus, ovttajien.:

Vuodđoskuvlaoahppái Nils Joavvna J.A. Hætta Láhpoluobbalis mearriduvvo Máze skuvla su lagasskuvla, dás vrd. Oahpahuslága §8-1. Vuodđoskuvlaoahppi álgá Máze skuvlii skuvlajagi 2013/2014 skuvlajagi rájes.

Ákkastallan:

Láhpoluoppal skuvlla ovddeš ohppiide lea Máze skuvla leamaš sin lagaskuvla, ja lea lunddolaš ja eanemus govttolaš ohppiide joatkkit sin skuvlavázzima dán skuvllas. Geográfalaččat lea Máze skuvla máná lagasskuvla.

**PS 6/13
BUDSJETTREGULERING 2013**

Ephorteáššennr. 2013/122. Árkiiva: 153.

Ášši váldo eret.

**PS /13
BOAZOLOGUUNNIDEAPMI OARJE-FINNMÁRKKU
BOAZOOROHAGAIN.**

Mearrádusevttohus:

Guovdageainnu suohkan oaidná ahte suohkana boazodoallu lea geatnegahttojuvvon čadahit stuora ealáhusnuppástusa, dieđihuvvon boazologu heiveheami oktavuodas. Guovdageainnu suohkan ballá servodatváikkuhusain dan oktavuodas go suohkana stuorámus ealáhus galgá geahpedit boazologu 1/3 osiin dálá logu ektui.

Guovdageainnu suohkan ballá ahte sii geat šaddet ealáhusas eret, eai oaččo doarvái buori čuovvoleami. Boazologu geahpedeapmi sáhtá dagahit stuorát bargguhisvuoda ja nu maiddái hástalusaid suohkanii mii lea báikkálaš servodagaid servodatovddasvástideaddji. Fertejit ášahuvvot buorit váikkuhangaskaoamit nuppástuhttimii ja lassioahppu sidjiide geat šaddet ealáhusas eret. Váikkuhangaskaoamit fertejit heivehuvvot nu ahte dat vuhtiiváldet juohke boazobargi.

Dán proseassas leat mánga čilgekeahtes váttisvuoda maid birra suohkanstivra ferte oažžut dieđuid. Danin bivdá Guovdageainnu suohkanstivra Ráđdehusa čilget ja vástidit čuovvovaš gažaldagaid:

- Suohkanstivra áigu diehtit galle boazodoalli šaddet ealáhusas eret, manŋel go boazologu heiveheapmi Oarje-Finnmárkkus lea čađahuvvon.

- Lea go Eanandoallo – ja biebmodepartemeantta čielggadan olmmošlaš váikkuhusaid ovdal go Boazodoallostivra mearridii unnidit boazologu Oarje-Finnmárkku guohtuneatnamiin?

- Eanandoallo – ja biebmodepartemeantta čujuha dálá gaskaomiide siddjiide geat “háliidit” heaitit boazodoaluin. Suohkanstivra áigu diehtit konkrehta makkár gaskaoamit fátmmastit buohkaid geat šaddet guoddit boazodoalu ja mot dát leat heivehuvvon juohke ahkejovkui boazodoalus.

- Suohkanstivra áigu diehtit leat go Ráđđehusas plánat fállat ekonomalaš ortnegiid siddjiide geat guddet boazodoalu ležžet dál háliidan dahje eai.

- Lea go Stuoradiggi árvvoštallan makkár váikkuhusat Guovdageainnu suohkanii leat jus goalmádasoassi boazodolliin min suohkanis šaddet ealáhusas eret. (ealáhus galgá geahpedit boazologu 1/3 osiin dálá logu ektui.). Makkár sosiála ja kultuvrralaš váikkuhusaid buktá dát Guovdageainnu suohkana servodahkii?

Guovdageainnu suohkan áigu odđa čoahkkima Stuoradikkiin ja Eanandoallo – ja biebmominstariin oažžun dihte dieđuid boazologu heiveheami birra guohtuneatnamiin Oarje – Finnmarkkus, ja digaštallát servodatváikkuhusaid Guovdageainnu suohkanii.

Suohkantivrra giedahallan:

Bohte sisa 4 evttohusa:

1. Inger Marit Bongo (BB).
2. OB/JL/GB oktasáš evttohus Ann-Catharina Lango bokte.
3. OB/GB/JL oktasáš evttohus Hans Ole Eira bokte.
4. Aili Keskitalo (SáB) ja Anders S. Buljo (JL) oktasáš evttohus.

Sátnejodiheaddji bivddi sin geat bukte evttohusaid geahččat čađa evttohusaid nu ahte šaddá ovttaijienalaš mearrádus suohkanstivrras. Sii geat bukte evttohusaid Inger Marit Bongo ja Ann-Catharina Lango, Hans Ole Eira ja Aili Keskitalo manne evttohusaid čađa. Aili Keskitalo buvtti ovdán bargoavkku evttohusa:

1. Rievdadus cáhcočuokkis 2:
Leat go olmmošlaš váikkuhusat, earret eará psykologalaš váikkuhusat maid nuppástuhttin mielddisbuktá sutnje gii šaddá ealáhusas eret čielggaduvvon?
2. Odđa cáhcočuokkis:
- Lea go dat juridihkalaš vuoddu ollásii čielggaduvvon láhkavuodu ja álbmotrievttalaš geatnegasvuoda ektui?
3. Odđa cáhcočuokkis:
Suohkanstivra áigu diehtit mot Ráđđehus áigu bargat ovddasguvlui sihkkarastit boazodoalu areálasuodjalusa.
Dán dahkat nu ahte sihkkaraste bistevas boazodoalu boahhteáiggis.
4. Odđa cáhcočuokkis.

- Jus nuorra boazodoallit geat aitto leat álán boazodoaluin šaddet geahpidit nu go eará boazodoallit, mot de sihkkarastojuvvo boahttevaš buolvvaid vejolašvuohta bargat boazodoaluin?

5. Rievdadus 2. teakstabihtta:

Guovdageainnu suohkan ballá ahte sii geat šaddet ealáhusas eret, eai oaččo doarvái buori čuovvoleami. Boazologu geahpedeapmi sáhtta dagahit stuorát bargguhisvuoda boazodolliid gaskka, muhto sáhtta maid dai váikkuhit daid fitnodagaid geain stuora oassi jahkedietnasis boahtá boazodoalus. Dát addá de hástalusaid suohkanii mii lea báikkálaš servodagaid servodatovddasvástideaddji. Ferte ráhkaduvvot... jnv.

6. Lassi 2. teakstabihtta:

Suohkanis leat unnán bargobáikkiid siddjiide geat jurddašit heaitit ealáhusain. Mii oaidnit dan hui dehálažžan ahte stáda ja suohkana ossodagat ovttasbargaba doaibmabijuiguin mat sáhttet geahpidit nuppástuhttinproseassa juohke oktii, ja addit ealáhusovdáneami Guovdageainnu suohkanis.

Bohte signálat suohkanstivrras ahte mearrádus ii mearriduvvo ovttajienalaččat nu guhká go čuo. 3 lea formulerejuvvon nie, ávžžuhii sátnesođiheadji bargajoavkku (sin geat bukte evttohusaid) mannát evttohusaid čađa ođđasit nu ahte mearrádus šaddá ovttajienalažžan.

Bargajoavku manai evttohusaid čađa ja Hans Ole Eira (JL) ovddidii bargajoavkku rievdadusevttohusa:

Čuo. 3 sihkkko eret.

Jienasteapmi:

Bargajoavkku (sin geat bukte evttohusaid) oktasaš evttohus mearriduvvui ovttajienalaččat.

Sátnesođiheadji ovddidii ovdagotti evttohusa mearriduvvon rievdadusaiguin mearriduvvot. Ovdagotti evttohus mearriduvvon rievdadusaiguin mearriduvvui ovttajienalaččat.

Suohkanstivrra mearrádus, ovttajien.:

Guovdageainnu suohkan oaidná ahte suohkana boazodoallu lea geatnegahttojuvvon čadahit stuora ealáhusnuppástusa, dieđihuvvon boazologu heiveheami oktavuodas. Guovdageainnu suohkan ballá servodatváikkuhusain dan oktavuodas go suohkana stuorámuš ealáhus galgá geahpedit boazologu 1/3 osiin dálá logu ektui.

Guovdageainnu suohkan ballá ahte sii geat šaddet ealáhusas eret, eai oaččo doarvái buori čuovvoleami. Boazologu geahpedeapmi sáhtta dagahit stuorát bargguhisvuoda boazodolliid gaskka, muhto sáhtta maid dai váikkuhit daid fitnodagaid geain stuora oassi jahkedietnasis boahtá boazodoalus. Dát addá de hástalusaid suohkanii mii lea báikkálaš servodagaid servodatovddasvástideaddji. Fertejit ášahuvvot buorit váikkuhangaskaoamit nuppástuhttimii ja lassioahppu siddjiide geat šaddet ealáhusas eret. Váikkuhangaskaoamit fertejit heivehuvvot nu ahte dat vuhtiiváldet juohke boazobargi.

Suohkanis leat unnán bargobáikkiid siddjiide geat jurddašit heaitit ealáhusain. Mii oaidnit dan hui dehálažžan ahte stáda ja suohkana ossodagat ovttasbargaba doaibmabijuiguin mat sáhttet geahpidit nuppástuhttinproseassa juohke oktii, ja addit ealáhusovdáneami Guovdageainnu suohkanis.

Dán proseassas leat mánga čilgekeahtes váttisvuoda maid birra suohkanstivra ferte oažžut dieđuid. Danin bivdá Guovdageainnu suohkanstivra Ráđđehusa čilget ja vástidit čuovvovaš gažaldagaid:

- Suohkanstivra áigu diehtit galle boazodoalli šaddet ealáhusas eret, mannel go boazologu heiveheapmi Oarje-Finnmárkkus lea čađahuvvon.
- Leat go olmmošlaš váikkuhusat, earret eará psykologalaš váikkuhusat maid nuppástuhttin mielddisbuktá sutnje gii šaddá ealáhusas eret čielggaduvvon?
- Eanandoallo – ja biebmodepartemeantta čujuha dálá gaskaomiide siddjiide geat “háliidit” heaitit boazodoaluin. Suohkanstivra áigu diehtit konkrehta makkár gaskaoamit fátmmastit buohkaid geat šaddet guoddit boazodoalu ja mot dát leat heivehuvvon juohke ahkejovkui boazodoalus.
- Suohkanstivra áigu diehtit leat go Ráđđehusas plánat fállat ekonomalaš ortnegiid siddjiide geat guddet boazodoalu ležžet dál háliidan dahje eai.
- Lea go Stuoradiggi árvoštallan makkár váikkuhusat Guovdageainnu suohkanii leat jus goalmádasoassi boazodolliin min suohkanis šaddet ealáhusas eret. (ealáhus galgá geahpedit boazologu 1/3 osiin dálá logu ektui.). Makkár sosiála ja kultuvrralaš váikkuhusaid buktá dát Guovdageainnu suohkana servodahkii?
- Lea go dat juridihkalaš vuoddu ollásii čielggaduvvon láhkavuoddu ja álbmotrievttalaš geatnegasvuoda ektui?
- Jus nuorra boazodoallit geat aitto leat álgán boazodoaluin šaddet geahpidit nu go eará boazodoallit, mot de sihkkarastojuvvo boahttevaš buolvvaid vejolašvuohta bargat boazodoaluin?

Guovdageainnu suohkan áigu odđa čoahkkima Stuoradikkiin ja Eanandoallo – ja biebmominstariin oažžun dihte dieđuid boazologu heiveheami birra guohtuneatnamiin Oarje – Finnmarkkus, ja digaštallát servodatváikkuhusaid Guovdageainnu suohkanii.